



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesisius

Sammieli, 1613

De causa efficienti & materiali exco[m]munica. c. 6. 7. & 8.

urn:nbn:de:hbz:466:1-41701

soluit Episcopus, non autem ab illa, quæ est ab homine. Illa ligat omnes contrarium agentes in ditione legislatoris, quamvis tempore legis datæ subditi non essent: Ista autem ab homine, ligat tantum subditos in iurisdictione iudicis commorantes dum fertur excommunicationis sententia. Demum inducta excommunicatio per statutum Metropolitanæ Archiepiscopi: ligat etiam subditos suffraganeorum: lata verò per ipsiusmet Archiepiscopi sententiã, cõprehendit tantum ipsius Diocesis subditos.

De causa efficienti, & materiali excommunicationis.

Cap. 6. 7. & 8.

Fœmina & laicus sine Pape commissione excommunicare nõ possunt, nec sacerdos, nec simplex curatus, nec qui excommunicati sunt in maiori: sed

tan:um personæ Ecclesiasticæ iurisdictione in foro exteriori non impeditam habentes, vt Papa, Concil. generale, Concil. prouinciale, Episcopus. Generales ord. Abbates. Priores Prouinciales, Guardiani : ac denique omnes iurisdictionem Ecclesiasticam in foro exteriori habentes. Causa materialis est duplex, remota, & proxima : remota est persona, quæ excommunicari potest, & est rationalis creatura baptizata, viua, inferior, & subdita Republica, vel tota ciuitas non potest excommunicari per sententiam, nisi in particulari singuli peccati consciî distinguantur. Nemo autem infidelem, vel seipsum, aut non subditum, seu mortuum excommunicat, sed excommunicatio in vita contracta, & non soluta, durat etiam post mortem, & post mortem absolui potest excommunicatus. Causa materialis pro-

xima est peccatum mortale consummatum, contumacię coniunctum, quod intelligitur etiam, quando fulminatur in futurum peccatum ex inobedientia, quia omnis inobediens, præsumitur contumax. Ignorantia inuincibilis excusat, nec vlla excommunicationis iuris comprehendit mandantes, consulentes, fauorem, vel auxilium præstantes, nisi exprimat, sed solum facientes, & quando illi exprimentur, non incurrant, nisi sequatur effectus.

De causa formali, & finali excommunicationis, & de sententia, iusta, & iniusta, valida, & inualida. Cap. 9. & 10.

IN iure non assignatur aliqua excommunicationis forma determinata, sed possumus uti huiusmodi verbis excommunico, sepa-